

## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. IV. Resolutio quæstionis circa specierum Angelicarum productionem.

**urn:nbn:de:hbz:466:1-13718**

Deo immediatè infundantur species, an dimanent ab essentiâ.

SECTIO QUARTA.

*Resolutio questionis circa specierum Angelicarum productionem.*

I. **H**ÆC, inquam, est communis hac de re sententia. Mihi tamen nulla videtur repugnancia, etiam naturalis, quo minus objecta, non spiritualia solum, sed etiam materialia, ad productionem speciei in Angelis partialiter concurrent cum potentia. Prima pars, quod objecta scilicet spiritualia probatur; cum enim sint ejusdem ordinis cum speciebus intelligibilibus, nulla aparet ratio, cur quis non æque illis concedat virtutem producendi speciem sui spiritualam, ac rebus materialibus producendi materialem.

*De rebus spiritualibus minor est difficultas cum sint speciebus in effectione proportionata.*

Confirmatur, hoc namque modo cognitio harum rerum perfectius sortitur rationem imaginis, cum faltem mediately producatur ab objecto, dum producitur ab illo, quod immediate ab objecto procedit, & non solum tanquam ab aliquo quod loco tantum objecti ab alio substituitur. Confirmatur secundò: nam Suarez hic lib. 2. cap. 4. num. 21. (aitque esse communem scholasticorum sententiam) affirmit species ipsas, habitus, ubicationem Angeli, motum, & id genus alia per se immediate concurrendo ad cognitionem sui, & illam producere, ergo non est cur etiam Angeli, & res aliae spirituales producere nequeant, faltem partialiter, speciem sui.

II. **S**ecunda etiam pars, quod scilicet objecta materialia partialiter concurrent possint cum potentia ad productionem specierum. Probatur: duplex siquidem in specie reluet ratio; est quippe concursum objecti, & passio, seu proprietas potentiae naturaliter debita: ergo si nullum sit inconveniens, debet & intellectus seu substantia animæ & Angeli producere suas passiones, sicut res aliae producent suas, & objectum similiter producere debet speciem, ac perfectissimo, quo potest modo, ad cognitionem sui concurrendo.

III. **D**ices; hoc quidem habere congruitatem, ubi fieri potest, objectum autem materiale, materiale cum sit, non potest speciem intelligibilem, rem scilicet usqueque spirituali producere. Contrà, nam iuxta communissimam sententiam, actus phantasmatis concurrerit simul cum intellectu ad producendam speciem intelligibilem: tribuendo ergo singula singulis, intellectus vendicat sibi partem in productione speciei Angelicæ, utpote passionis sua; objectum etiam in quantum est illius substitutum idem postulat, per speciem siquidem concurrendo ad cognitionem, seu representationem sui: quare illum quem possumus concursum objecto in speciem concedere debemus: aliquem autem possumus; licet enim res materialis per se solam & adæquatè nequeant producere aliquid spirituali, simul tamen cum alio principio spirituali non est cur id præstare non possit: sicut enim species non vitalis potest partialiter concurrendo ad actum vitalem, ita & res materialis ad spirituali: quod de facto affirmant multi, ut vidimus de phantasmate.

IV. **D**ices secundo: Objectum & potentia sunt duo principia diversa, nec unum supplere potest species concurrendo; sive autem objectum materialis objectum ad riale est res imperfectissima, nec sufficiens ad spe-

ciem producendam, ergo non potest productio species tribui objecto materiali, sic namque potentia deberet illius defectum in his casibus suppleri. Resp. ad productionem speciei, non requiri ut objectum concurrat ut causa adæquata, præsertim ubi potentia respicit speciem ut proprietatem suam, tunc enim etiam potentia peculiari titulo petit ad illius productionem concurrendo, ut diximus. Sic etiam species concurrunt ad cognitionem, multò se perfectiorem, ut objecta materialia imperfectissima ad cognitionem sui vitalem, & species naturales iuxta P. Suarez ad cognitionem supernaturalem. Deinde, communis sententia præcipuum concursum in productione specierum assignat potentiae; hoc enim docent philosophi, dum cum Aristotele & S. Thoma dividunt intellectum in agentem, cuius munus est abstrahere species à phantasmatibus, & in possibilem. Sufficit ergo quod objectum quocunque modo ad speciei productionem concurrat. Quod si quis contendat objecti concursum debere in his casibus ab aliquo suppleri, dici poterit, non id fieri à potentia, sed à Deo: per quod etiam satisfit primo argumento, supra pro contraria sententia allato.

V. **D**ices tertio: Frustra poneretur hujusmodi virtus in his objectis, utpote quæ nunquam possit reduci ad actum; non enim possunt objecta hæc producere speciem sui, nisi sint intimè cum potentia penetrata, tunc autem frustra producent speciem, cum per se immediate concurrendo possint ad cognitionem sui. Resp. possint nescire concurrendo immediate ad cognitionem sui, videbimus seq. sequente: Nunc dico, etiamsi possint non tamen frustra tunc illa producere speciem sui, quæ postea sit principium permanens cognitionis ejusdem objecti, quando absit.

VI. **D**ices quartò: Objecta hæc materialia non movent immediate intellectum humanum, nec differunt inter anima in via, & Angelum, circumspectiōnē. Sed contra: nam neque Angelus intimè præfens anima in via, corpori unitate, producit in eā speciem aut cognitionem sui; immo nec anima scipiam intuitivè cognoscit, nec habet speciem claram sui, ob rationes affectione septimā afferendas, nullum ergo hinc ducitur argumentum ad intellectum Angelii, vel animæ separatae.

VII. **I**dem est de phantasiâ, præterquam quod non possunt objecta materialia immediate applicari phantasiâ. Deinde est quædam subordinatio naturalis inter sensus externos & phantasiam, qua non reperitur in intellectu Angelii, qui per se, & immediate objecta quævis percipit independenter ab omni alio. Et per hæc patet ad argumenta contraria sententia.

SECTIO QUINTA.

*Quomodo unus Angelus cognoscat alium.*

QUÆSTIO est, utrum unus Angelus intimè præfens alteri, illius cognitionem in se statim producat per ejus substantiam, an per speciem. Suarez lib. 2. cap. 5. num. 2. licet probabilem putet sententiam afferentem posse unum Angelum, alium cognoscere per essentiam cogniti, modo